



Recollectio Spiritvalis

Masen, Jacob

Coloniae Agrippinae, 1691

Capvt VI. De colloquiis piè utilitérque instituendis.

[urn:nbn:de:hbz:466:1-60213](#)

EXERCITIOR. SPIRITAL. 23

humilitate, maximè autem Christus ipse Servator noster, tanquam perfectissima virtutum omnium idea, nobis est proponendus. In hoc uno plura nos accendent. Nam

principiū
Christi De-
mini vari-
is modis
considerati

Influit, exemplar, finis, docet, atque meretur.
Si enim hunc spectemus, ut principium, qui per promoven-
gratiam suam influat, nōsque excitet; si *exemplar*
vitæ actionū inque suarum proponentem; si ut
finem denique gloriosū, cui, & in hac, & in altera
vita conformemur; si ut *Magistrum* adeò solli-
cità nos ad virtutem instruentem; si denique
tam caro *precio sanguinis sui*, hanc mihi occasi-
onem salutis & divinæ gloriæ procurandæ me-
rentem; quis non assurgat animo, omni que de-
votionis ardore inflammetur? Hoc fac, & vi-
ves.

Habes instructionem per brevem de affecti-
bus; quæ non tantum res sacras Meditantibus,
verùm & pro Concione populi dicentibus ad
inflammados alios poterit deservire.

C A P V T VI.

De colloquiis piè utiliterque insti- tuendis.

Colloquia cum Deo, Christo, aut Sanctis
Dei, Meditationem solent concludere; Ex hebd. I.
tum ut laudem Deo dicamus in omnibus bo- Exere. 1. 2. &
nis ipsius, gratiasque pro beneficiis in nos

*Colloquiis
Meditatio
concludi-
tur.*

*Ex 3 hebd.
contempl.
3.*

*Ex hebd.
Exerc. 1.*

collatis referamus : tum ut gratiam à Deo im-
petremus , ad implendum quod proponimus.
Quæ licet in reliquis etiam Meditationis par-
tibus queant usurpari , in fine tamen , qui fer-
ventior esse debet , potissimum sunt adhiben-
da. Quod si ad Deum fiant, concludi per ora-
tionem Dominicam poterunt , si prolixius in-
stituta, primò intercessionem Sanctorum, au-
Deiparæ Virginis, & Mediationem Christi ho-
minis apud Deum postulent , ac denique ad
Deum Patrem dirigantur. Primum colloqui-
um ad Deiparam, per *Ave Maria*: alterum ad
Christum, per *Anima Christi*: tertium ad Pa-
trem, per *Pater noster* concludatur.

Ut verò hæc colloquia majori devotione
peragantur, consultum erit, pro ratione mate-
riæ, nunc personam Rei induere, Judicem suum
deprecantis ; nunc Servi exorantis Dominum
nunc Filiij cum Patre, Sponsæ cum Sponso , aut
amici cum amico loquentis. Hæc colloquia
Deus ipse, aut etiam Sancti nos invitantes, re-
ctè nonnunquam auspicari poterunt : ut hac
nos invitatione excitati, majori fervore accur-
ramus. Cum in his præcipiis director esse de-
beat Spiritus S. qui postulat pro nobis gemitib⁹
inenarrabilib⁹. Nonnunquam etiam omnes
creatûræ nobiscum ad laudes Deo concinen-
das adhiberi poterunt, ut ab Hebræis in Baby-
lonia fornace adolescentibus egre-
giè factum legimus.

CA-